

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

ДОМ НАРОДА

Уставноправна комисија



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

ДОМ НАРОДА

Уставноправна комисија



BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

Broj: 02/1-50-8-22-27/26

Sarajevo, 28. 1. 2026.

PRIMLJENO: 20-01-2026			
Organizaciona jedinica	Klasifikaciona oznaka	Redni broj	Broj priloga
02-1	50-8	354-1	26

KOLEGIJU DOMA NARODA


PARLAMENTARNE SKUPŠTINE BOSNE I HERCEGOVINE

Predmet: Orijentacioni radni plan Ustavnopravne komisije Doma naroda PSBiH za 2026. godinu, dostavlja se

Poštovani,

Obavještavamo vas da je Orijentacioni radni plan Ustavnopravne komisije Doma naroda Parlamentarne skupštine BiH za 2026. godinu razmatran i usvojen na 27. sjednici Ustavnopravne komisije Doma naroda, održanoj 28. 1. 2026, koji vam dostavljamo u prilogu ovog akta.

PREDSJEDAVAJUĆA
USTAVNOPRAVNE KOMISIJE
Marina Rendek



Prilog:

- Orijentacioni radni plan Ustavnopravne komisije Doma naroda Parlamentarne skupštine BiH za 2026. godinu.

Dostavljeno:

- naslovu
- sekretarki Doma naroda PSBiH
- a/a

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**

ДОМ НАРОДА

Уставноправна комисија



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

DOM NARODA

Ustavnopravna komisija
Ustavnopravno povjerenstvo

Broj: 02/1-50-8-22-27/26

Sarajevo, 28. 1. 2026.

**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO**

PRIMLJENO: 28-01-2026			
Organizaciona jedinica	Klasifikaciona oznaka	Radni broj	Broj priloga

ORIJENTACIONI RADNI PLAN

USTAVNOPRAVNE KOMISIJE

DOMA NARODA

PARLAMENTARNE SKUPŠTINE BiH

ZA 2026. GODINU

Sarajevo, 2026. godine

Na osnovu člana 55. Poslovnika Doma naroda Parlamentarne skupštine BiH („Službeni glasnik BiH”, br. 58/14, 88/15, 96/15, 53/16, 71/24 i 44/25), Ustavnopravna komisija Doma naroda Parlamentarne skupštine Bosne i Hercegovine (u daljnjem tekstu: Ustavnopravna komisija) na 27. sjednici, održanoj 28. 1. 2026, utvrdila je

Orijentacioni radni plan Ustavnopravne komisije za 2026. godinu

UVODNA RAZMATRANJA

Predviđene aktivnosti Ustavnopravne komisije za 2026. godinu zasnivaju se na realizaciji specifičnih aktivnosti Ustavnopravne komisije koje proističu iz njene nadležnosti utvrđene Poslovnikom Doma naroda Parlamentarne skupštine BiH, te na odredbama pojedinih zakona kojima se regulira dostavljanje godišnjih izvještaja o radu institucija BiH Parlamentarnoj skupštini BiH.

Ustavnopravna komisija Doma naroda Parlamentarne skupštine BiH je stalna komisija. Njen rad i nadležnosti utvrđeni su članom 39. Poslovnika Doma naroda, u kojem se ističe sljedeće:

„Član 39. (Ustavnopravna komisija)

- (1) Ustavnopravna komisija:
 - a) prati provođenje Ustava BiH;
 - b) razmatra pitanja značajna za ustavni poredak BiH i daje inicijativu za amandmane na Ustav BiH;
 - c) ispituje i dostavlja Domu mišljenja o prijedlozima amandmana na Ustav BiH;
 - d) kada Dom ocijeni potrebnim, provodi javnu raspravu o prijedlozima amandmana na Ustav BiH ili o prijedlogu zakona, te obavještava Dom o rezultatima javne rasprave;
 - e) razmatra prijedloge zakona koje Dom treba usvojiti, u vezi s njihovom usklađenošću sa Ustavom BiH i pravnim sistemom BiH, kao i u vezi s pravnom obradom, te Domu podnosi izvještaj s mišljenjem i prijedlozima i pravno-tehničkim ispravkama očiglednih grešaka u tekstu;
 - f) razmatra pitanja zakonodavne metodologije i druga pitanja značajna za usklađenost pravno-tehničke obrade akata koje Dom treba usvojiti;
 - g) dostavlja mišljenja Ustavnom sudu BiH;
 - h) učestvuje u pripremi programa rada iz oblasti zakonodavne aktivnosti Doma;
 - i) utvrđuje, zajedno s odgovarajućom komisijom Predstavničkog doma, prečišćeni tekst zakona i drugih propisa kada i ako ih na to ovlaste oba doma PSBiH.
- (2) Ustavnopravna komisija razmatra pitanja koja se odnose na: pravni sistem, izborni sistem; Vijeće ministara BiH; državne praznike; grb, zastavu i državnu himnu BiH; pečat BiH;

državnu administraciju; provođenje međunarodnog i domaćeg krivičnog zakonodavstva; te druga pitanja iz nadležnosti Doma koja nisu u nadležnosti drugih komisija.“

U izradi orijentacionog radnog plana Ustavnopravna komisija, također, koristi mišljenja i sugestije vladinih i nevladinih, domaćih i međunarodnih organizacija koje se bave pitanjima Ustava i pravnog sistema BiH a s kojima sarađuje.

U Orijentacionom radnom planu bit će navedene specifične aktivnosti iz domena rada Ustavnopravne komisije, usklađene sa zajedničkim aktivnostima Ustavnopravne komisije Predstavničkog doma Parlamentarne skupštine BiH, a koje su sastavni dio Plana aktivnosti Doma naroda Parlamentarne skupštine BiH.

Orijentacioni radni plan Ustavnopravne komisije sadrži pregled najznačajnijih aktivnosti koje će biti realizirane tokom kalendarske 2026. godine.

PLANIRANE AKTIVNOSTI USTAVNOPRAVNE KOMISIJE

U okviru svoje nadležnosti i u skladu s odredbama Poslovnika, Ustavnopravna komisija će uspostavljati i održavati već uspostavljene odgovarajuće vidove saradnje, te provoditi parlamentarnu kontrolu kod većeg broja institucija, uključujući:

- Pravobranilaštvo BiH;
- Ustavni sud BiH;
- Sud BiH;
- Visoko sudsko i tužilačko vijeće BiH;
- Tužilaštvo BiH;
- Centralnu izbornu komisiju BiH;
- ministarstva BiH, a posebno Ministarstvo civilnih poslova BiH i Ministarstvo pravde BiH;
- Agenciju za ravnopravnost spolova BiH;
- Institut za intelektualno vlasništvo BiH;
- Agenciju za državnu službu BiH;
- Komisiju za izbor i praćenje rada Agencije za prevenciju korupcije i koordinaciju borbe protiv korupcije Parlamentarne skupštine BiH;
- Agenciju za antidopinšku kontrolu BiH;
- Agenciju za identifikacione dokumente, evidenciju i razmjenu podataka BiH;
- Institut za nestala lica;
- Ured koordinatora za reformu javne uprave.

ZAKONODAVNE I OSTALE AKTIVNOSTI

a) Zakonodavne aktivnosti

Ustavnopravna komisija će u **prvom kvartalu** 2026. godine, u skladu s utvrđenim rokovima, razmatrati usaglašenosti prijedloga zakona sa Ustavom BiH i pravnim sistemom BiH, razmatrati prijedloge zakona kao nadležna komisija, te razmatrati delegatske inicijative iz svoje nadležnosti, koje Kolegij Doma dostavi Ustavnoj komisiji, u skladu s njenom nadležnošću, prije zakazivanja sjednice Ustavnopravne komisije.

U skladu s ranije dostavljenim zaduženjima Ustavnopravna komisija će na jednoj od narednih sjednica razmatrati:

- Prijedlog zakona o izmjeni i dopuni Krivičnog zakona Bosne i Hercegovine, broj: 02-02-1-2119/24 od 27. 1. 2025, predlagatelj: Predstavnički dom (postupak u nadležnoj komisiji – faza II, postupak u skladu s čl. 108 – 113. Poslovnika Doma);
- Prijedlog zakona o Visokom sudskom i tužilačkom vijeću Bosne i Hercegovine, broj: 02-02-1-2720/25 od 17. 12. 2025, predlagatelj: delegati Dragan Čović, Kemal Ademović i Nikola Špirić (postupak u nadležnoj komisiji – faza II, postupak u skladu s čl. 108 – 113. Poslovnika Doma);
- Prijedlog zakona o izmjenama i dopunama Zakona o Sudu Bosne i Hercegovine, broj: 02-02-1-2719/25 od 17. 12. 2025, predlagatelj: delegati Dragan Čović, Kemal Ademović i Nikola Špirić (postupak u nadležnoj komisiji – faza II, postupak u skladu s čl. 108 – 113. Poslovnika Doma);
- Prijedlog zakona o izmjenama i dopunama Zakona o radu u institucijama Bosne i Hercegovine, broj: 02-02-1-1496/25 od 20. 10. 2025, predlagatelj: Predstavnički dom (usaglašenost sa Ustavom BiH i pravnim sistemom BiH i principi prijedloga zakona – postupak u skladu s čl. 99. i 100. Poslovnika Doma);
- Prijedlog zakona o regulatoru, prijenosu i tržištu električne energije u Bosni i Hercegovini (P.Z.E.I.), broj: 01,02-02-1-2006/25 od 12. 9. 2025, predlagatelj: Vijeće ministara BiH (usaglašenost sa Ustavom BiH i pravnim sustavom BiH – postupak u skladu s članom 99, a u vezi s članom 123. Poslovnika Doma);
- Prijedlog zakona o izmjeni i dopuni Zakona o plaćama i naknadama u institucijama Bosne i Hercegovine, broj: 02-02-1-1628/25 od 15. 9. 2025, predlagatelj: Predstavnički dom (usaglašenost sa Ustavom BiH i pravnim sistemom BiH – postupak u skladu s članom 99. Poslovnika Doma);
- Prijedlog zakona o izmjeni Zakona o azilu, broj: 02-02-1-1636/25 od 20. 10. 2025, predlagatelj: Predstavnički dom (usaglašenost sa Ustavom BiH i pravnim sistemom BiH – postupak u skladu s članom 99. Poslovnika Doma);
- Prijedlog zakona o izmjeni i dopunama Zakona o Državnoj agenciji za istrage i zaštitu, broj: 01-02-1-1448/25 od 27. 6. 2025, predlagatelj: poslanik Jasmin Emrić

(usaglašenost sa Ustavom BiH i pravnim sistemom BiH – postupak u skladu s članom 99, a u vezi s članom 98. stav (3) Poslovnika Doma).

Ustavnopravna komisija će u **drugom kvartalu** 2026. godine, u skladu s utvrđenim rokovima, razmatrati usaglašenosti prijedloga zakona sa Ustavom BiH i pravnim sistemom BiH, razmatrati prijedloge zakona kao nadležna komisija, te razmatrati delegatske inicijative iz svoje nadležnosti, koje Kolegij Doma dostavi Ustavnopravnoj komisiji, u skladu s njenom nadležnošću, prije zakazivanja sjednice Ustavnopravne komisije.

Ustavnopravna komisija će u **trećem kvartalu** 2026. godine, u skladu s utvrđenim rokovima, razmatrati usaglašenosti prijedloga zakona sa Ustavom BiH i pravnim sistemom BiH, razmatrati prijedloge zakona kao nadležna komisija, te razmatrati delegatske inicijative iz svoje nadležnosti, koje Kolegij Doma dostavi Ustavnopravnoj komisiji, u skladu s njenom nadležnošću, prije zakazivanja sjednice Ustavnopravne komisije.

Ustavnopravna komisija će u **četvrtom kvartalu** 2026. godine, u skladu s utvrđenim rokovima, razmatrati usaglašenosti prijedloga zakona sa Ustavom BiH i pravnim sistemom BiH, razmatrati prijedloge zakona kao nadležna komisija, te razmatrati delegatske inicijative iz svoje nadležnosti, koje Kolegij Doma dostavi Ustavnopravnoj komisiji, u skladu s njenom nadležnošću, prije zakazivanja sjednice Ustavnopravne komisije.

b) Ostale aktivnosti

Ustavnopravna komisija će u 2026. godini, u skladu s utvrđenim rokovima, razmatrati izvještaje, informacije i druge dokumente koji joj budu upućeni na razmatranje na osnovu njene nadležnosti, i to:

- Izvještaj o radu Ustavnopravne komisije Doma naroda za 2025. godinu;
- Izvještaj o radu Pravobranilaštva Bosne i Hercegovine za period od 1. 1. 2025. do 31. 12. 2025;
- Informaciju o radu Tužilaštva Bosne i Hercegovine za 2025. godinu;
- Godišnji izvještaj o radu Visokog sudskog i tužilačkog vijeća Bosne i Hercegovine za 2025. godinu;
- Izvještaj o provođenju zakona iz nadležnosti Centralne izborne komisije Bosne i Hercegovine u 2024. godini;
- Izvještaj o provođenju zakona iz nadležnosti Centralne izborne komisije Bosne i Hercegovine za 2025. godinu;
- Izvještaj o aktivnostima na uvođenju specifičnih izbornih tehnologija u izborni proces Bosne i Hercegovine (juli - novembar 2025. godine);
- Izvještaj o provođenju Lokalnih izbora 2024. godine;

- Izvještaj o radu Vijeća ministara BiH za 2024. godinu;
- Izvještaj o radu Vijeća ministara BiH za 2025. godinu;
- Orijentacioni radni plan Ustavnopravne komisije Doma naroda za 2026. godinu;
- zahtjeve Ustavnog suda BiH za izjašnjenje o zahtjevima poslanika u Predstavničkom domu i delegata u Domu naroda Parlamentarne skupštine Bosne i Hercegovine za ocjenu ustavnosti.

Ustavnopravna komisija će pratiti i aktivno raditi na realizaciji zaključaka koji budu eventualno doneseni u 2026. godini.

Planiran je nastavak saradnje s Misijom OSCE-a u Bosni i Hercegovini o temama koje budu važne i aktuelne za Ustavnopravnu komisiju. Ustavnopravna komisija planira aktivnosti u vezi s problematikom ravnopravnosti spolova, a u saradnji s Agencijom za ravnopravnost spolova BiH.

U 2026. godini planirana je saradnja s vladinim i nevladinim organizacijama kao i međunarodnim organizacijama. U realizaciji međunarodne saradnje, kao i poslova edukacije na praktičnim i stručnim pitanjima s kojima se susreće Ustavnopravna komisija u okviru svojih nadležnosti posebnu pomoć pruža Misija OSCE-a u Bosni i Hercegovini.

ZAKLJUČAK

Orijentacioni radni plan za 2026. godinu dat je okvirno. Ustavnopravna komisija Doma naroda učinit će dodatne korake u saradnji s drugim komisijama Parlamentarne skupštine BiH, Vijećem ministara BiH, vladinim i nevladinim organizacijama, međunarodnim organizacijama i parlamentima, koje će ohrabriti u obavljanju kvalitetnog i brzog zakonodavnog procesa i efikasnog nadzora izvršne vlasti, kao preduslova za daljnje evropske integracije.

Novi zadaci i aktivnosti koji se naknadno pojave bit će na vrijeme uvršteni u Orijentacioni radni plan Ustavnopravne komisije.

Predsjedavajuća
Ustavnopravne komisije
Marina Penđić

